



Affischa

Suprastanza cumünala dals 09.01.2023

Presidi: Peer-Puorger Victor
Partecipant/s: Cantieni-Lanfranchi Andri
Caviezel-Domenig Ursina
Kirchen-Werro Armon
S-chüsà: Riatsch-Fedi Fadri
Protocol: Oswald Gian Claudio
Fabrica: Paulmichi-Rodigari Albin
Giast/s:

| tractandas | tema | responsabel |
|------------|--|-------------|
| 1 | 0120 Executiva Acconsentimaint protocol | tuots |
| 2 | 7900 Planisaziun dal territori Revisiun totala da la planisaziun cumünala Müdamaint dals art. 24 e 25 illa ledscha da fabrica cumünala | vp/ap |
| 3 | 0220 Uffizi da fabrica Dum. da fabrica no. 061/2022, stalla per purschels, Etter Cilgia, parcella no. 6140, San Niclà 1-145, 7558 Strada | vp/ap |
| 4 | 0220 Uffizi da fabrica Dum. da fabrica no. 060/2022, suost cun furnel da laina, Pardeller-Fliri Maria und Pardeller-Fliri Benno, parcella no. 6145, La foppa 1-170B, 7558 Strada | vp/ap |
| 5 | 9630 Stabels da la facultà da finanzas Facultà finanziaria cumünala Offerta da las Ouvras Electricas d'Engiadina SA in connex culla vendita da lur acczas da la Swissgrid | vp/go |
| 6 | 8400 Turissem Turissem Valsot (general) Elecziun d'ün/üna nouv/a commembra da la cumischiun | |

| | | |
|---|---------------------------------------|-------|
| 7 | 0120 Executiva Orientaziuns | tuots |
|---|---------------------------------------|-------|

| | | |
|---|---|-------|
| 8 | 0120 Executiva Varia (suprastanza cumünala) | tuots |
|---|---|-------|

0120 Executiva

1 Acconsentimaint protocol

Il protocol da la sezzüda dals 1. da december 2022 vegn approvà.

7900 Planisaziun dal territori

2 Revisiun totala da la planisaziun cumünala

Müdamaint dals art. 24 e 25 illa ledscha da fabrica cumünala

Il manader tecnic orientescha, cha davo la radunanza cumünala da venderdi ils 18 da november ha constatà il planisader Orlando Menghini, cha a regard ils artichels no. 24 e 25 in connex cullas novas zonas da fabrica a Tschlin e Vnà, pudessa gnir a problems. Concretamaing exista ün risch, cha al cumün vegn inchargiada üna part da 30% da la plüvalur dal terrain. Ils sclerimaints chi sun in quist connex gnüts fats prol uffizi da valütaziun d'immobiglias chantunal han manà a la conclusiun, cha scha'l cumün cumplettescha ils surmanzunats artichels da la ledscha, as schaffischa üna basa per redüer l'import chi vegn eventualmaing inchargià. In discussiuns tanter il planisader ed il cusgliader giuridic dal cumün es gnüda tscherchada üna formulaziun adattada. Our dal motiv cha quel müdamaint es gnü fat pür davo l'approvaziun da las actas da la planisaziun tras la radunanza cumünala, vegn publichà quist adattamaint a chaschun da l'exposiziun da recuors. Avant co pudair far quai, ha la suprastanza però da dar l'acconsentimaint per quel müdamaint. La suprastanza es da l'avis cha'l müdamaint fa sen e decida in seguit d'adattar ils duos artichels da la ledscha sco preschantà.

0220 Uffizi da fabrica

3 Dum. da fabrica no. 061/2022, stalla per purschels, Etter Cilgia, parcella no. 6140, San Niclà 1-145, 7558 Strada

Il manader tecnic spiega l'intent da la petenta. La direcziun vaiva concess ün permiss per üna stalla provisorica pels purschels, quel scrouda 15 da gün 2023. Uossa ha la petenta inoltrà üna dumonda concreta per ün intent da fabrica. Ella prevezza da realisar ün stalla pels purschels vi da la fatschada vers nord-vest da la chasa. Il stalla masüra 4.33 meters sün 6.67 meters ed ill'otezza tanter 2.64 meters e 3.57 meters. Las parais intuorn nu tendschan fin prol tet, e per sortir ed entrar vegnan installats üschs. Üna part dal stalla vegn dovrà sco deposit ed es accessibel eir tras il deposit existent. Il bilantsch quai chi riguarda las capacitats d'aldüm e zocca demuossa cha quella sun dimensiunadas da maniera sufficiainta. L'intent as mouva dimena in ün rom pussibel. Ulteriuras permiss sun avantman.

La suprastanza va d'accord cul intent e decida d'inviar il proceder da BAB a Cuaira.

0220 Uffizi da fabrica

4 Dum. da fabrica no. 060/2022, suost cun furnel da laina, Pardeller-Fliri Maria und Pardeller-Fliri Benno, parcella no. 6145, La foppa 1-170B, 7558 Strada

Il manader tecnic spiega l'intent dal petents. Quels prevezzan da realisar sülla piazza da chantar da lur chasa ün suost cun ün fuorn da laina. Il suost vegn realisà in lain. Il suost masüra 2.80 sün 2.55 meters ed es tanter 1.93 e 3.32 meters ot. Il chamin dal fuorn surpassa la construcziun dal tet per 1.01 meters. Ils permiss da la pulizia da fö es avantman.

La suprastanza va d'accord cul intent e decida da conceder il permiss necessari.

9630 Stabels da la facultà da finanzas

5 Facultà finanziaria cumünala

Offerta da las Ouvras Electricas d'Engiadina SA in connex culla vendita da lur aczias da la Swissgrid

Il capo e'l manader da l'administraziun orienteschan cha'l cumün ha surgni ün'offerta davart da las Ouvras Electricas d'Engiadina SA in connex culla vendita da lur aczias da la Swissgrid. Las OEE sun gnüdas a quellas aczias in connex cun surports d'implants da rait a la Swissgrid SA. Davo cha tuot las transacziuns sun gnüdas conclusas, esa stat pussibel da laschar valütar las aczias. Il cussagl administrativ da las OEE ha in seguit decis a sia sezzüda dals 7 da december 2022, da vender quellas aczias. Las OEE sun da l'avis chi nun es üna da lur lezchas da posseder partecipaziuns vi da la rait da transmissiun, respectivamaing posseder aczias da la Swissgrid SA. Las aczias dessan in ün prüm pass gnir offridas a proprietarias/proprietaris da l'OEE, uschè eir ils cumüns da la Regiun EBVM. Ils cumüns han uossa da decider schi sun interessats da surtour aczias dal paket, quel cuntogna 393'545 aczias, quai chi significha üna partecipaziun da 0.118% vi da la Swissgrid SA. Ils predscha varieschan tenor termin sco segua:

31 da schner 2023 frs. 3.9357

28 da favrer 2023 frs. 3.9614

31 da marz 2023 frs. 3.9871

Per interessents chi nun appartegnan amo aczias da la Swissgrid SA, es da procurar ün acconsentimaint davart da la Swissgrid SA. Üna correspondentia dumonda vegn inoltrada proli cussagl administrativ da la Swissgrid SA, apaina chi sun cuntshaints ils interess dals acziunaris da las OEE SA.

La suprastanza decida da spettar sülla decisiun dals cumüns vaschins e da decider lura definitiv scha'l cumün vuol far adöver da la sporta o na.

8400 Turissem

6 Turissem Valsot (general)

Elecziun d'ün/üna nouv/a commembra da la cumischiun

Il suprastant dal dicasteri turissem, Armon Kirchen, orientescha, chi'd es vacanta l'elecziun dad ün/üna successura per Iris Riatsch, davo cha quella vaiva demischiunà sülla fin da l'on passà sia carica. Cun quai chi nu sun entradas ingünas propostas/candidaturas ha la cumischiun as miss in tschercha. Cun Pamela Schorta han els chattà üna candidata fich ingaschada, chi'd es pronta da surtour quista carica. La cumischiun propuona dimena a Pamela Schorta da Tschlin sco successura dad Iris Riatsch.

La suprastanza elegia a Pamela Schorta sco nouva commembra da la cumischiun da turissem.

0120 Executiva

7 Orientaziuns*Iglüminaziun publica*

Il manader tecnic orientescha, cha l'intent da stüder l'iglüminaziun publica d'ürant las uras da not nun es gratià. L'infrastructura illa regiun nu permetta soluziuns individualas pels differents cumüns tanter Zernez e Valsot. Our dal motiv cha'l cumün da Zernez ha decis, our da differents motivs, da nu stüder l'iglüminaziun publica d'ürant ün per uras la not, nun esa eir na pussibel da far quai pels cumüns da Scuol e Valsot. Zernez dispuona per part d'ün'infrastructura plü moderna, uschè chi's spordscha ad els la pussibilità da programmar l'iglüminaziun da maniera chi nu glüschan d'ürant tuot la not tuot las glüms. D'adattar l'iglüminaziun publica da Valsot da maniera cha quai füss eir pussibel pro nus, significhess chi han da gnir rimplazzadas tuot las glüms existentas sco eir

ulteriuras parts da l'infrastructura chi bsögna pell'igluminaziun. Tuot in tuot ün intent chi chaschuness cuosts schmasürats.

Radunanza dals delegats da la Corporaziun Energia Engiadina

Il manader da l'administraziun orientescha chi saja entrada la dumonda, chi dals suprastants chi piglia part sco delegà cumünal a la radunanza da delegats da la CEE. Sper il capo, chi'd es implü president da la CEE, das-chan tour part duos ulteriuras persunas. In basa a la constituziun da la suprastanza d'eiran gnüts elets Ursina Caviezel ed Andri Cantieni sco delegats cumünals pro la CEE. Els piglian eir part quist on a la radunanza. Il manader da l'administraziun dess orientar in quist sen a Fritz Felix.

Sunar ils sains a Silvester/Büman

Il manader tecnic orientescha, chi'd es gnü a problems in connex cun sunar ils sains a Silvester/Büman sü Vnà. A'l di da Büman es gnüda refatta la preparaziun per sunar ils sains a man, uschè cha l'automat ha surtut la lavur. Davo cha'l lavuraint cumünal ha bandunà Vnà intuorn las 10:00 es gnüda scrauvgiada averta la serradüra da l'üscher dal clucher, gnü tut our d'funcziun l'automat ed in seguit gnü sunà il sain a man. Al cumün sun gnüdas nomnadas las persunas chi han da respunder quist fat. I vegn decis, co chi's vuol proseguir in chosa.

0120 Executiva

8 Varia (suprastanza cumünala)

Zona da lös süts (TWW)

Andri Cantieni as referischa ad ün documaint chi'd es entrà be d'incuort sco e-mail in connex culla pratcha futura quai chi riguarda masüras da fabrica illa zona da lös süts. La pratcha applichada fin al di dad hoz nun es plü admissa in futur. Tenor Andri vala da valütar la situaziun pel cumün. La pussibilità da definir regiuns da priorità exista, quai chi'd es però cumbinà cun ün sforz.

7556 Ramosch, 09.02.2023



Il capo:

Il manader administraziun: